

編號 1 號

【上場】徐佳好原作

「防守、防守、防守……大火鑊來啊！」「三分線，咻！拋入去啊，好球，哈哈，真慶！」佢真享受睇籃球比賽，因為會用放勢大聲喝，所有個煩惱一瞞目攞會毋見了了。

記得讀小學四年，遐時務林書豪渡紐約尼克隊連續得著好成績，全世界攞枷佢喝咻。因為這臨旋風，五年級個佢決定去考籃球體育班。恁好運，得佢考著啊，無想著嘎係辛苦個開始。逐晨早七點半到位學校訓練兩點鐘，放轉去了後，猶愛攞練點半鐘，練煞，歸班愛在教室寫了功課正會用轉去。落尾練到逐個人，走運動坪十外輪攞係小可事情。因為有同學做伴，猶有自家對籃球個熱情，佢毋識喝恹。

見擺有比賽，爺哀攞真無閒：愛準備食個、愛翕相和錄影、愛做啦啦隊，三不二時猶愛駛車載佢人去比賽，屋下人個支持即係球員頭大個力量。爺哀睇著佢在球場上有好表現，攞會直直拍手；若係球得人抄走<sup>1</sup>啊，即真緊張，會在脣頭安慰講：「無要緊，正攞來。」一場比賽落來，大家攞走到氣喘喘又流汗答滴，

---

<sup>1</sup>抄走：音 saˋ zeuˋ；籃球術語，此指「抄到球」。

愛目珠跔球、接好球、投入籃框內底，若係打無好，歇睏個時會得教練嚷：「你人愛保護球，莫慇慇得人抄啊，愛走位擋人……。」大家著面掙汗著面咻水，專心恬恬聽，毋敢散大氣。

打球，手腳難免會著傷，有時務無堵好，膝頭碰著、腳撓著<sup>2</sup>、腳盤得人蹬著，積血、烏青、勾筋係真平常個。佢毋驚得醫生睭、做復健，即驚傷重抑係功課無寫了，教練毋得佢上場，正會用坐凳頭，遐時務心內個毋甘願比訓練猶較苦咧。

小學個籃球生活，得佢無時間上網賞遊戲，毋單功課進步啊，身體變到真勇，嘛學習著仰子和人合作，正經體會著這句事：「贏球莫風神，輸球莫失志。」無論輸贏，攞得佢成長真多。

---

<sup>2</sup>撓著：音 nauˋ choo；扭到。

編號 2 號

【外媽个菜園教室】李秀鳳原作

歇熱啊，阿怙、阿依送偌和阿妹轉到滿舅屋下，和外媽共下蹓兩個月，毋使去安親班吹冷氣關歸日，係兩姊妹頭暢个事情。其實，偌人去莊下嘛愛去上課，無共樣个，係毋使讀書，逐日晨早跔外媽先生去菜園教室，熟事各種青菜。

外媽在菜園搭一個蕪薺棚，棚竦一蕊一蕊个黃花開到鬧鬧，偌和阿妹算歸棚有幾多蕊？會用打幾多莖蕪薺？外媽笑咪咪講：「莫算啦！有一兜係公花，毋會結子。」幾時蕪薺花和油桐花共款，有公嘛有嫵。

偌發現外媽个菜園，得黃色个花開到淦淦，除了蕪薺以外，像瓠、苦瓜、笏瓜、金瓜、長豆開个花攏係黃色个。「這位有開茄色个花。」阿妹睭著一蕪枝梗係深紫色个，毋知麼个菜，喝到大嫵聲。外媽講這喊做茄，若係茄開黃花，遐即反種<sup>1</sup>啊，所以茄色个茄，定著係開茄色个花。

日頭恁猛，偌和阿妹坐在蕪薺棚下歇涼，睭外媽鏟菜股。阿妹睭生到像手指頭恁長个蕪薺掛一蕊黃花，真得人惜，即用第二

指去撞，蕪薺連花直直顫，實在真心色，偌嘛跔个賞。外媽睭兩姊妹恬卒卒，行偎來睭。「唉哦！你兩儕仰子會手恁賤，毋知蕪薺真孤老<sup>2</sup>係無？花和子得人摸過即會無效。」得外媽喝，兩姊妹做下驚到毋敢出聲。麼个係孤老啊？兩個細子想攏無。外媽睭出偌兩儕心肝底个疑問講：「過幾下日你人即知。」

無幾多日，得偌和阿妹揆過个細蕪薺越來越烏，續落連子帶花燥去殿淨淨，幾時這即係孤老。外媽講：「細子人愛大範，毋好停動著即喽像孤老恁得人感，知無？」偌和阿妹著面頤頭著面應：「知啦！」

偌和阿妹頭愛跔外媽去菜園教室，毋單會用認識各種青菜，猶會用了解佢人成長个特性，比上自然課猶較有意思。

<sup>1</sup>反種：音 fan<sup>ˆ</sup> zhung<sup>ˆ</sup>；變種，指事情反常。

<sup>2</sup>孤老：音 gu<sup>ˋ</sup> loo<sup>ˆ</sup>；指小氣、摸不得。

編號 3 號

【 𠵼个飯确 】鄒瑞梅原作

對出世到今，阿媽一等惜𠵼，驚𠵼熱、驚𠵼寒、驚𠵼三頓無正常。

同學个飯确大部分係做阿依準備个，𠵼个飯确係阿媽親手做个。逐日當晝食飯个時務，即像開獎共樣，𠵼个飯确特別香，內底有魚有肉有青菜，猶有阿媽惜花連盆，惜子連孫，惜𠵼惜入心个親情。坐在𠵼邊脣个阿明、阿秀和阿華目金金直直睺𠵼个飯确，口涎水硬硬即討流出來啊！𠵼假影講飯确打毋會開，佢人比𠵼較緊張，逐儕相爭討拗𠵼鬥相共，實在真心色！等𠵼打開飯确，歸間教室攞鼻會著阿媽个好手藝，阿明臆講一定係炆封肉，正經得佢臆著啊。𠵼人感情真好，猶會相換菜食，佢食𠵼个封肉，𠵼食佢个煙腸，食到飽玲琅。

阿媽个好手藝，仰子講都毋會漏氣<sup>1</sup>，佢煎个黃魚兩面赤赤毋會臭火膏。𠵼頭愛食阿媽做个客家炒肉，堵著敬神拜祖先个時務，阿媽會準備雞鴨、魷魚、豬肉料、豆腐乾鬥牲敬祖。遐暗夜个桌嶼，一定會有鹹香鹹香个客家炒肉，阿媽會特別吩咐阿依愛

加煮兩确米哦！

阿媽和阿依在灶下無閒挾掣，阿依拗魷魚、豬肉料、豆腐乾，猶有自家菜園掙个蔥、葫、芹菜、簽椒，歸下切好勢就準備換阿媽炒菜啊！阿媽兩下手即炒出客家好味素。桌嶼有雞肉盤、韭菜炒豬血、蕪菜、鹹菜湯，猶有𠵼頭愛食个客家炒肉。阿公、阿怙、阿依著面食著面阿腦阿媽个手路菜，好食到舌都會吞落去。客家炒肉實在真落飯哦！𠵼和阿哥連食兩碗飯，食到飯鑊攞見底咧，桌嶼个菜得𠵼人掃淨淨，𠵼和阿哥食到肚臍<sup>2</sup>，阿媽脛著嘎愛笑。

食飯个時務，阿媽拗𠵼和阿哥个飯确裝到淦淦，阿媽自家个碗內單淨有菜湯攪飯。

食著阿媽親手做个飯确，即想著阿媽在灶下流汗答滴个身影。𠵼愛認真讀書，做一個有路用个人，等𠵼大漢，一定愛報答阿媽个恩情。阿媽養𠵼大，𠵼定著會有孝阿媽到老。

<sup>1</sup>漏氣：音 lau<sup>˥</sup> kui<sup>˥</sup>；閩南語借詞。比喻行為表現令人失望。

<sup>2</sup>肚臍：音 du<sup>˥</sup> guainn guainn；肚子挺出的樣子，常是因為吃太多，屬短暫性狀態。